

**FEDERALNO MINISTARSTVO RADA I SOCIJALNE POLITIKE  
EKONOMSKO- SOCIJALNO VIJEĆE ZA TERITORIJU FEDERACIJE  
BOSNE I HERCEGOVINE**

Broj: 03-34/19-2698/10  
Sarajevo, 03.11.2010. godine

**Z A P I S N I K**

sa 74. sjednice Ekonomsko-socijalnog vijeća za teritoriju Federacije Bosne i Hercegovine, održane dana 03.11.2010.godine u 16,00 sati.

Sjednicom predsjedava gospodin Edhem Biber, predsjedavajući Ekonomsko-socijalnog vijeća.

Sjednici prisustvovali:

Desnica Radivojević, federalni ministar trgovine, Nail Šećkanović, federalni ministar prometa i komunikacija, Ismet Bajramović, predsjednik Saveza samostalnih sindikata BiH, Rifat Mahmutović, predsjednik Sindikata komunalne privrede, Salih Kruščica, predsjednik Samostalnih sindikata državnih službenika i namještenika u organima državne službe, sudskoj vlasti i javnim ustanovama u FBiH, Omer Sikira, predsjednik Samostalnog sindikata elektroenergetskih radnika BiH, Salem Hujić, predsjednik Samostalnog sindikata radnika šumarstva, prerade drveta i papira BiH, Mladen Pandurević, Predrag Čović i Eldin Brčaninović ispred Udruženja poslodavaca Federacije BiH.

Sjednici nisu prisustvovali:

Dr. Perica Jelečević, federalni ministar rada i socijalne politike, Vjekoslav Bevanda, federalni ministar financija, Vahid Hećo, federalni ministar energije, rudarstva i industrije, , ispred Udruženja poslodavaca Federacije BiH. Umjesto ministra Vahida Heće bio je prisutan zamjenik Stipo Buljan, umjesto ministra Vjekoslava Bevande prisutana je bila g-đa Mira Bradara, a umjesto Selima Babića bio je prisutan Hazim Zrčević

Osim članova Ekonomsko-socijalnog vijeća sjednici su prisustvovali: Nihad Imamović UPBiH, Gojko Ivanković, dopredsjednik Uprave Razvojne Banke FBiH, Nurko Grebić i Ernevaza Hrustanović ispred stručne službe ESV-a.

**DNEVNI RED**

1. Usvajanje zapisnika se prethodne sjednice ESV-a;
2. Nacrt Budžeta Vlade Federacije BiH za 2011. godinu;
3. Izvještaj o radu Razvojne banke Federacije BiH za 2009. godinu;
4. Informaciji o aktivnostima na prevazilaženju teške situacije u privredi, sa osvrtom na najugroženija preduzeća
5. Razno.

### **Ad.1.**

Zapisnik sa 73. sjednice je usvojen uz napomenu da nema povratne informacije o realizaciji zaključaka donešenih na toj sjednici. Iznesen je prijedlog da se napravi analiza i ponovo pokrenu aktivnosti na realizaciji nerealizovanih zaključaka.

### **Ad.2.**

Maretijal potreban za raspravu tačke dnevnog reda - Nacrt Budžeta Vlade Federacije BiH za 2011.god. nije dostavljen socijalnim partnerima. Federalni ministar finansija poslao je dopis ESV sa obrazloženjem da Nacrt budžeta još uvijek nije finaliziran zbog razgovora sa MMF-om koji su u toku.

**Rasprava o Nacrtu Budžeta Vlade FBiH se skida sa dnevnog reda. Ista će se raspravljati na vanrednoj ili prvoj redovnoj sjednici ESV. Materijale treba dostaviti blagovremeno radi pripreme za diskusiju.**

### **Ad.3.**

Predstavnici Poslodavaca smatraju da je Izvještaj o radu Razvojne Banke FBiH formalno dobar, ali da ne pokazuje nikakve efekte postignute u u privredi. Smatraju da je politika banke suviše konzervativna i restriktivna, pa diskusijom žele argumentirano dokazati da su, između ostalog, kamate previsoke i procedura preduga. U interesu poslodavaca je da imaju zdravu i stabilnu razvojnu banku, ali banku koja će ispunjavati svoje obaveze, a rizike i teškoće oko naplate kredita preuzeti kao dio svoje odgovornosti s ciljem da se pomogne ozdravljenju privrede. S istim ciljem smatraju da je potrebno je voditi razgovore između Banke i Poslodavaca prilikom usvajanja politike banke, insistiraju na promijeni zakona o poslovanju banke i smatraju da poslodavci trebaju imati svoga predstavnika u njenom Nadzornom odboru. Očekuju, također, od Vlade da izvrši dokapitalizaciju banke, koja do sada još nije urađena.

Predstavnici Sindikata mišljenja su da bankarski sistem trenutnim načinom poslovanja stvara probleme u privredi, pa će se, iz tog razloga, Sindikati i Poslodavci morati uključiti u prevazilaženje prepreka iznošenjem svojih stavova o relevantnim problemima. Napominju da se moraju provesti zaključci Parlamenta o pomoći Razvojne Banke privredi.

Predstavnik Vlade iznio je da se prijedlozi i primjedbe na rad Razvojne banke, a koji su se odnosili na strukturu ulaganja po granama, ulaganja po kantonima, jačanje izvoza u pojedinim granama privrede, itd. nisu uzeli u obzir. Svjetska Banka ima nepovjerenje prema Razvojnoj Banci, zato niko nije spreman da preuzme rizik poslovanja i efekti izostaju. Mišljenja je da bi institucionalizacijom Garantnog fonda ovi problemi mogli biti prevaziđeni.

Dopredsjednik Uprave Razvojne Banke, Gojko Ivanković, se slaže da su procedure zahtjevne, ali pošto banka sama radi na povratu kredita, smatra da bi se uključivanjem Skupštine i Nadzornog odbora u donošenje odluka o povratu, kao i dokapitalizacijom banke, komplikovane procedure mogle olakšati. Također je mišljenja da bi uspostava suradnje između banke, vlade, poslodavaca i sindikata doprinijela ubrzanju rješavanja problema.

**ESV daje podršku održavanju tematske konferencije Vlade, Poslodavaca, Sindikata i Razvojne Banke na kojoj bi se raspravljalo o problematici i iznijele inicijative za promjenu načina rada Razvojne Banke, uključujući i inicijativu da predstavnici Sindikata i Poslodavaca budu dio Nadzornog odbora RB. Tehničku organizaciju skupa preuzeće Poslodaci i Predsjednik ESV-a.**

**Zaključak ove diskusije potrebno je poslati svim relevantnim sudionicima i tražiti od RB da se izjasni po ovom pitanju.**

#### **Ad.4.**

Informaciju o aktivnostima na prevazilaženju teške situacije u privredi, sa osvrtom na najugroženija preduzeća iznio je Stipe Bujan ispred Federalnog Ministarstva energije, rudarstva i industrije, sa napomenom da su se u izradu ove informacije trebala uključiti i druga ministarstva i da se onda takav sveobuhvatan materijal uputi na raspravu.

Ministarstvo je uradilo maksimum napora vezanih za ovu problematiku, ali pored urađenih mjera, programa, akcionih i operativnih planova smatra da je potrebno da: FMERI radi intenzivnije na povezivanju staža iz odobrenih sredstava; Vlada i Parlament poduzmu sve mjere oko realizacije Socijalnog sporazuma 2009-2010, Programa mjera za ublažavanje globalne ekonomske krize i unapređenja poslovnog ambijenta, svako iz svoje nadležnosti; da se napravi efikasnija kontrola nad grantovima u FBiH, kroz horizontalnu i vertikalnu koordinaciju, uz maksimalno izvještavanje o izvorima i utrošcima tih sredstava.

Predstavnici Poslodavaca smatraju da ovaj dokumentu, s obzirom na njegovu važnost, zaslužuje puno ozbiljniji pristup. Takođe smatraju da bi se trebala prevazići drastična razlika u pristupu problemima privatnih i državnih preduzeća i da u rješavanje ove problematike trebaju biti uključeni svi subjekti društva.

#### **Zaključci ESV-a su:**

- 1. Tražiti od Vlade kompletan izvještaj o aktivnostima koji obuhvata i druge resore,**
- 2. Ponovo razmatrati ovu temu sa novim članovima ESV-a**
- 3. Insistirati kod Vlade na realizaciji usvojenih sporazuma i programa**
- 4. Insistirati na efikasnijoj kontroli grantova**

#### **Ad.5.**

Predsjednik ESV-a obavijestio je socijalne partnere o održavanju i participaciji na EUROMED Samitu, koji će se održati od 9-12 novembra u Rimu.

Dnevni red predložen za sljedeću sjednicu ESV-a je :

1. Nacrt budžeta FBiH za 2011.godinu
2. Reforma penzijskog fonda

Sjednica ESV-a završena je u 18:45 sati.

Zapisnik vodila i obradila  
Snježana Kapić

Predsjedavajući  
Ekonomsko-socijalnog vijeća  
Edhem Biber